

12. Marts 2015

**Uunga siunnersuut: Allagaateqarfeqarneq pillugu Inatsisartut inatsisaat nr. xx, xx.xx 2015-imeersoq.**

(linniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Allagaateqarfeqarneq pillugu Inatsisartut inatsisaat Naalakkersuisuniit saqqummiunneqartoq Siumumiit imatut oqaaseqarfigissavarput.

Nunatta oqaluttuarisaaneranut pingaaruteqarluinnartunut ilaavoq allagaateqarneq. Kingulissanut pitsaasumik takussutissaqartitsineq inuiaqatigiit tamarmik ingerlanneqarneranut oqaluttuarisaanerullu ataavartumik takussutissaqartinneqarnissaannut tunngassuteqarluinnarpoq.

Ullumikkumut inatsit atuuttoq killiffigisatsinnut naleqqukkunnaarsimavoq, naleqqukkunnaarneranullu tunngaviit annersarisaat tassaavoq teknologiimik atuinitta piffissami allangorluinnarsimanera. Qanga allagaatit pappiliangorlugit sumiiffinni assigiinngitsuni toqqortatut pigineqartut ullutsinni qujanartumik ilarpassui qarasaasiakkut iserfigeriaannangorlugit toqqortarineqarsinnaalersimapput.

Kingulissanut pitsaasunik najoqqutassaqartitsineq, oqaluttuarisaanikkut ilisimatuussutsikkullu annertuumik piorsarsimassutitsinnik eriaginninnermut tunngassuteqarpoq, pitsaasumillu isumannaaneqartariaqarluni. Toqqorsiveqarnerup pitsaasumik inatsisitigut qulakkeertariaqarpaa sinerissami sumiikkaluaruilluunniit paasissutissanik kialuunniit aallersinnaanera.

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisup saqqummiusnaanut Siumumi taamatut oqaaseqarluta appasaaniinnginnerani Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiitsitaliamut suliarineqarnissaa innersuupparput suleqatigiiffiulluarnissaanik neriuuteqarluta.

Vivian Motzfeldt, Siumut